

領、五位綿一連、亮唱、四位五位名賜之、參議已上令女藏人賜之、五位以上令宮司賜之、若亮有闕、臨時權任、儀式、同日早朝、中務省召職司、給次侍從已上見參、即別錄、四位已上名簿、進內侍、爲令辨、備祿物、

〔延喜式中宮〕同日二月受女官朝賀、
其日內侍仰闈司、置版位於殿上及殿庭、版位十枚、方五寸、厚一寸、內親王以下女官命婦以上、以次入立於殿上、闈司引六位以下、以次入立於庭、爲首者當御前跪賀、內侍進承令退、隨便而立稱令旨、再拜訖退出、先是

內侍令諸司舖座立臺盤、女御以上先著座、次尚侍以下四位以上、次內外命婦、北次闈司引六位以下

北面列座、昇殿者留著座、不昇殿者退出、饗宴訖、賜祿、如白褂衣一襲、夫人內親王各白褂衣一領、三位以上妻四幅被一條、四位以下妻衣一領、女孺之中、給折櫃食百合、祿調綿二百屯、事見儀式、

〔延喜式伊勢大神宮〕凡王臣以下不得輒供大神幣帛、其三后皇太子若有應供者、臨時奏聞、

〔續日本紀桓武〕延曆九年閏三月丙子、有勅度二百人出家、又左右京五畿內、高年鰥寡孤獨疹疾不能

自存者、普加賑恤、並爲皇后乙、藤原不豫也、是日皇后崩、丁丑、天皇移御近衛府、以從二位藤原朝臣

繼繩、正四位上神王、從四位下當麻王、從五位上氣多王、從五位下廣上王、正四位上紀朝臣古佐美、從

四位下石上朝臣家成、藤原朝臣雄友、藤原朝臣內麻呂、正五位下文室真人那保企、從五位上藤原朝

臣黑麻呂桑原公足床、阿部朝臣廣津麻呂、外從五位下高篠連廣浪、中臣栗原連子公爲御葬司、六位

已下官八人、正三位藤原朝臣小黒麻呂、正四位下壹志濃王、從五位下大庭王、從四位下藤原朝臣菅

繼、文室真人高嶋、正五位下文室真人八多麻呂、藤原朝臣眞友、從五位下文室真人八嶋、藤原朝臣眞

鷲爲山作司、六位已下官十二人、從五位下多智比真人賀智、外從五位下林連浦海爲養民司、六位已

下官五人、從五位下巨勢朝臣嶋人、丹比宿禰眞淨爲作路司、六位已下官三人、差遣左右京五畿內近

江丹波等國役夫、令京畿七道自今月十八日始素服舉哀、以晦日爲限、略中甲午、參議左大辨正四

位上紀朝臣古佐美、率誅人奉誅、諡曰天之高藤、廣宗照姬之尊、是日葬於長岡山陵、